## 0.0.1 bhāvanāsuttam

- 1. iddhiñca¹ vo bhikkhave, desessāmi iddhipādañca iddhipādabhāvanañca iddhipādabhāvanāgāminiñca paṭipadaṃ. taṃ suṇātha.
- 2. katamā ca bhikkhave, iddhi? idha bhikkhave, bhikkhu anekavihitam iddhividham paccanubhoti: ekopi hutvā bahudhā hoti, bahudhāpi hutvā eko hoti, āvībhāvam tirobhāvam tirokuḍḍam tiropākāram tiropabbatam asajjamānova gacchati, seyyathāpi ākāse, pathaviyāpi ummujjanimujjam karoti seyyathāpi udake, udakepi abhijjamāno gacchati seyyathāpi pathaviyam, ākāsepi pallankena kamati seyyathāpi pakkhī sakuņo, imepi candimasuriye evam mahiddhike evam mahānubhāve pāṇinā parāmasati, parimajjati, yāva brahmalokāpi kāyena vasam vatteti. ayam vuccati bhikkhave iddhi.
- **3.** katamo ca bhikkhave, iddhipādo, yo bhikkhave, maggo yā paṭipadā iddhipaṭilābhāya² saṃvattati. ayaṃ vuccati bhikkhave, iddhipādo.
- 4. katamā ca bhikkhave, iddhipādabhāvanā? idha bhikkhave, bhikkhu chandasamādhipadhānasaṅkhārasamannāgataṃ iddhipādaṃ bhāveti, viriyasamādhipadhānasaṅkhārasamannāgataṃ iddhipādaṃ bhāveti, cittasamādhipadhānasaṅkhārasamannāgataṃ iddhipādaṃ

<sup>&</sup>lt;sup>1</sup>iddhim-machasam.

 $<sup>^2</sup>$ iddhilābhāya iddhipaṭilābhāya- machasam, syā.

bhāveti vīmaṃsāsamādhipadhānasaṅkhārasamannāgataṃ iddhipādaṃ bhāveti ayaṃ vuccati bhikkhave, iddhipādabhāvanā.

5. katamā ca bhikkhave, iddhipādabhāvanāgāminī patipadā? ayameva ariyo aṭṭhaṅgiko maggo. seyyathīdam: sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. ayam vuccati bhikkhave, iddhipādabhāvanāgāminī paṭipadāti.